

ხელშეკრულება № 67
სახელმწიფო შესყიდვის შესახებ
(გამარტივებული შესყიდვა)

ქ. თბილისი

24 ივნისი 2016 წ.

სსიპ - საჯარო სამსახურის ბიურო, შემდგომში წოდებული „შემსყიდველად“, წარმოდგენილი ბიუროს უფროსის ეკატერინე ქარდავას მიერ და შპს „GS“ შემდგომში წოდებული „მიმწოდებლად“, წარმოდგენილი დირექტორის გივი სამადაშვილის მიერ, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის შესაბამისად, „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე შესყიდვასთან დაკავშირებული სრული დოკუმენტაციით, რომელზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ვალდებულია საქონლის მიწოდებაზე/ მომსახურების გაწევაზე ამ ხელშეკრულების ფარგლებში.
- 1.6. „საქონელი“/ „მომსახურება“ – ხელშეკრულების მე-2 მუხლით გათვალისწინებული საქონელი/მომსახურება/სამუშაო.
- 1.7. „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1. ხელშეკრულების საგანია კედლის კონდიციონერების შესყიდვა CPV 42512200

3. ხელშეკრულების ღირებულება

- 3.1. ხელშეკრულების ღირებულება შეადგენს 2000 (ორი ათასი) ლარს.
- 3.2. ხელშეკრულების ღირებულება მოიცავს, როგორც საქონლის/მონტაჟის ღირებულებას, ასევე წინამდებარე ხელშეკრულებით ნაკისრი ვალდებულების

შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

4. შესყიდვის ობიექტის მახასიათებლები

4.1. კონდიციონერი MIDEA MSMA-18HRN1, ერთი ერთეული, ერთეულის ფასი 1150 (ათას ას ორმოცდაათი), სულ 1150 (ათას ას ორმოცდაათი) ლარი.

4.2 კონდიციონერი MIDEA MSMA-12HRN1 ერთი ერთეული, ერთეულის ფასი 850 (რვაას ორმოცდაათი) ლარი, სულ 850 (რვაას ორმოცდაათი) ლარი.

5. შესყიდვის ობიექტის მოწოდების ვადები

5.1. საქონლის მოწოდება განხორციელდება მიმდინარე წლის პირველი ივლისის ჩათვლით.

5.2. საქონლის მიწოდების ადგილია ქ. თბილისი, ინგოროყვას ქ. 7, საქართველოს მთავრობის ადმინისტრაციის შენობის მე-7 სართული.

6. შესყიდვის ობიექტის მიღება-ჩაბარების წესი

6.1. შემსყიდველის მიერ შესყიდვის ობიექტის მიღება განხორციელდება მიღება-ჩაბარების აქტის გაფორმების საფუძველზე.

7. ანგარიშსწორების წესი და პირობები

7.1. შემსყიდველი ანგარიშსწორებას ახორციელებს მიმწოდებლის მიერ ფაქტობრივად მიწოდებული საქონლის / გაწეული მომსახურების ღირებულების მიღება-ჩაბარების აქტის და სასაქონლო ზედნადების შემდეგ ხელშეკრულების 9.2.3. ქვეპუნქტით გათვალისწინებულ ვადაში.

7.2. მხარეები ანგარიშსწორებას ახორციელებენ ამ ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

7.3. შესყიდვა ხორციელდება სსიპ - საჯარო სამსახურის ბიუროს ბიუჯეტიდან.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2 „შემსყიდველს“ უფლება აქვს:

8.2.1. აწარმოოს ხელშეკრულების პირობების შესრულების მონიტორინგი.

9. მხარეთა ვალდებულებები

9.1. მიმწოდებელი ვალდებულია:

9.1.1. მიაწოდოს „შემსყიდველს“ ნიეთობრივად და უფლებრივად უნაკლო ნივთი.

9.1.2. განიხილოს შემსყიდველის პრეტენზიები და მიაწოდოს მას მოტივირებული პასუხები ყველა საკითხზე, მომსახურების პროცესში გამოვლენილი ნაკლოვანებები აღმოფხვრას გონივრულ ვადაში დამატებითი საფასურის გარეშე.

9.1.3. საგარანტიო პერიოდის მანძილზე (ორი წლის განმავლობაში) განახორციელოს საგარანტიო მომსახურება დამატებითი საფასურის გარეშე.

9.1.4. დაიცვას ამ ხელშეკრულებისა და კანონმდებლობის მოთხოვნები.

9.2. „შემსყიდველი“ ვალდებულია:

9.2.1. დაიცვას ამ ხელშეკრულებისა და კანონმდებლობის მოთხოვნები.

9.2.2. დროულად მოახდინოს მომსახურების ღირებულების გადახდა ხელშეკრულებით დადგენილი ოდენობით და წესის შესაბამისად;

9.2.3. სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს „მიმწოდებლის“ დაფინანსება საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში.

9.2.4. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

10. დაუძლეველი ძალა

10.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ ან/და „მიმწოდებლის“ დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. ხელშეკრულებაში ცვლილებების შეტანა

11.1. წინამდებარე ხელშეკრულების პირობების ცვლილება განხორციელდება წერილობით, „შეთანხმების“ სახით ორივე მხარის უფლებამოსილი წარმომადგენლების ხელმოწერით.

11.2 თუ ხელშეკრულების პირობების შეცვლის აუცილებლობა დადგება წინასწარ გაუთვალისწინებელი მიზეზების გამო, ცვლილებების შეტანის ინიციატორი ვალდებულია გონივრულ ვადაში წერილობით შეატყობინოს მეორე მხარეს შესაბამისი ინფორმაცია. ამავე დროს “შემსყიდველი” არ არის ვალდებული წარუდგინოს “მიმწოდებელს” რამე მტკიცებულებანი იმ გარემოებებთან დაკავშირებით, რომლის გამოც წარმოიშვა ხელშეკრულების პირობების შეცვლის აუცილებლობა.

11.3. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

11.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში ფასის ცვლილება არ შეიძლება აღემატებოდეს 10%.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რამე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ უმოკლეს ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. მხარეთა პასუხისმგებლობა ხელშეკრულების პირობების დარღვევისათვის

13.1. ხელშეკრულებით ნაკისრი ვალდებულებების არაჯეროვნად შესრულების, ან შეუსრულებლობის შემთხვევაში მხარეებს ეკისრებათ პირგასამტეხლო ხელშეკრულების ღირებულების 0,3 %-ის ოდენობით ყოველ ვადაგადაცილებულ დღეზე.

13.2. საჯარიმო სანქციების გადახდა არ ათავისუფლებს მხარეებს ძირითადი ვალდებულებების შესრულებისაგან.

13.3. იმ შემთხვევაში, თუ ვადის დარღვევისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, მხარეებს უფლება აქვთ შეწყვიტონ ხელშეკრულება.

14. ხელშეკრულების შეწყვეტა

14.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების

ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

14.3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ინსპექტირების პირობები

15.1. შემსყიდველი უფლებამოსილია განახორციელოს ხელშეკრულების ინსპექტირება ხელშეკრულების მოქმედების ნებისმიერ ეტაპზე, ხოლო მიმწოდებელი ვალდებულია ხელი შეუწყოს ინსპექტირების პროცესს.

15.2. ინსპექტირების შესრულების კონტროლს განახორციელებენ საჯარო სამსახურის ბიუროს უფროსის მოადგილე თემურ ჩიხრაძე, ადმინისტრაციული დეპარტამენტის უფროსი ელგუჯა მაკალათია, მთავარი სპეციალისტი ირაკლი კილაძე და სამეურნეო-ტექნიკური სპეციალისტი ზვიად ბოკუჩავა.

15.3. მაკონტროლებლის ფუნქციებია:

15.3.1. მხარეების მიერ ნაკისრი ვალდებულებების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება.

15.3.2. სახელმწიფო შესყიდვის შესახებ ხელშეკრულების პირობების შესაბამისად მიმწოდებელთან ანგარიშსწორების პროცესის რეგულირება და შესაბამისი დოკუმენტაციის გაფორმება.

16. სადავო საკითხების გადაწყვეტა

16.1. “შემსყიდველმა” და “მიმწოდებელმა” ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

16.2. თუ “შემსყიდველი” და “მიმწოდებელი” ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს.

17. ხელშეკრულების მოქმედების ვადა

17.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2016 წლის 2 აგვისტოს ჩათვლით.

18. სხვა პირობები

18.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

18.2. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის უნდა შეესაბამებოდეს სახელშეკრულებო პირობებს.

18.3. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის წინამდებარე ხელშეკრულებით გათვალისწინებული უფლებებისა და ვალდებულებების გადაცემა.

18.4. ხელშეკრულება შედგენილია 6 გვერდზე, 2 ეგზემპლარად და თითოეულ მათგანს თანაბარი იურიდიული ძალა აქვს.

18.5. ხელშეკრულების ერთი ეგზემპლარი ინახება „მიმწოდებელთან“ ერთი ეგზემპლარი - „შემსყიდველთან“.

„შემსყიდველი“

სსიპ - საჯარო სამსახურის ბიურო

ქ. თბილისი, ინგოროყვას ქ. №7

სახელმწიფო ხაზინა

კოდი № TRESGE22

ა.ა №200122900

საიდენტიფიკაციო კოდი №205047288



„მიმწოდებელი“

შპს „GS“

ქ. თბილისი, ლარეხის II შესახვევი N14

ს.ს „ბანკი ქართუ“

ბანკის კოდი CRTUG22

ა/ა № GE22CR0000000015543602

საიდენტიფიკაციო კოდი №401981021

